

MANIFIESTU 25P

DIA INTERNACIONAL ESCONTRA LES VIOLENCIES MACHISTES

¡Ye la hora d'alzar la voz! Tán matándonos, violándonos, vexándonos y faciéndonos de menos, ya inda, la vergoña social sigue recayendo sobre nós cuando asocede, magüer de los fríos y respigantes datos estadísticos.

La violencia machista aumentó un 22,5% respetive al año anterior, con 99.644 casos activos en VIOGEN. El 47,7% d'estes mueres víctimas de violencia machista, tienen menores al so cargu, sumando 1.684 neñes y neños so protección oficial. Los delitos escontra la llibertá sexual crecieron un 14,8%, algamando 21.825 casos según el Ministeriu del Interior. A nivel mundial, más de 370 millones de neñes y mueres sufrieron violaciones o abusos sexuales antes de los 18 años (1 de cada 8). En contestos de conflictos esta cifra dúbbase, 1 de cada 4, según espón UNICEF.

Ye hora d'actuar. Tenemos de aprender a identificar la violencia dende'l primer niciu y armanos de les ferramientes necesaries pa prevenila. Reclamamos que les instituciones s'arreyen de manera real y efectiva na detección precoz, la prevención, l'acompañamientu y la restitución. Ye hora de que la vergüenza camude de llau y seya la violencia machista la deslloada pola sociedad, non les víctimas.

Les violencias machistes interseccionales atacuen la diversidá, cutiéndonos dúbblemente por ser migrantes, racializaes, lesbianes, trans, por tener cuerpos non normativos, pola nuesa edá, discapacidá o precariedá. La violencia económica patriarcal perpetúa la nuesa dependencia, torgando la nuesa emancipación.

DESIXIMOS que les violencias machistes y patriarcales, en cualesquier de les sos formes, dexen de ser invisibles. DESIXIMOS que la sociedad reaccione y que seyan les persones maltratadores les que carguen cola vergoña. Ye hora de quita-yos la mázcara, esponiendo la tosidá y el dañu de les sos acciones. QUE LA VERGOÑA CAMUDE DE LLAU.

Nun podemos dexar qu'aquellos que nieguen la violencia de xéneru sigan ganando espaciu. ESCONTRA LA NEGACIÓN: REACCIÓN, EDUCACIÓN, FORMACIÓN Y EVOLUCIÓN.

DESIXIMOS Y VAMOS ACTUAR PA ESRAIGONAR:

- **La violencia llaboral:** Abasta d'acosu, discriminación salarial, techos de cristal y precarización nos sectores feminizaos. ¡Equiparación real yá!
- **La violencia institucional:** Desiximos recursos afayadizos pa polítiques d'igualdá y la fin de la discriminación nes instituciones públiques.
- **Los protocolos ineficaces escontra la violencia machista:** Abasta de revictimizanos, avergoñanos y dexanos albertestate y a mercé de la mesma violencia de la que debieren acubixanos. ¡Los nuestos cuerpos nun son sacos de boxéu!
- **La violencia psicolóxica:** Abasta de degradanos, desprecianos y facenos sentir que nun somos naide.
- **La violencia vicaria:** Non más violencia escontra nós al través de los nuestos fíos y fíes. ¡Un maltratador nun puede ser un bon padre!
- **La violencia sanitaria:** Desiximos que se curie la nuesa salú con perspectiva de xéneru.
- **La violencia xudicial:** Non más criminalización de les víctimas mientras los agresores gocien d'impunidá.
- **La violencia sexual:** Abasta d'agresiones y violaciones, abasta de comentarios y actos sexuales ensin el nuesu consentimientu, abasta de cosificanos y suburdianos. ¡Abasta de sumisión química!

Lluchemos escontra la cultura estructural de violencia capitalista y machista que provoca guerres y masacres. ¡Non a la guerra! Nin en Palestina, nin nel Líbano, nin n'Ucrania, nin en nenguna de les 56 guerres actuales. Les mueres violaes nestos conflictos son víctimas d'una violencia constante, xustificada por razones polítiques, relixoses o patriarcales.

Dende la CGT, vamos seguir lluchando pa esraigonar la violencia machista en toles sos formes.

¡QUE LA VERGOÑA CAMUDE DE LLAU!
NON MÁS VIOLENCIES MACHISTES.

